

حیات

نسخہ ہر ہفتہ ۱۰ غروشہ .
سنہ لکی پوسٹہ ایبلہ ۵ لیرا .
(اجنبی مملکتوں ایچین ۴ دولار) .

اپنے اعلان ایشری ایچین استانبول پوروسہ
مراجعت ایڈیٹر .
بازی ایشریٹک مرجعی آنقرہ مرکزدر .

ادارہ مرکزی :
آنقرہ ، استانبول جادہ سندہ آنقرہ
معارف امینلکی پانڈہ کی دائرہ

استانبول پوروسی :
باب عالی جادہ سندہ رسلی پرشہ
ادارہ خانہ سی داخلندہ کی دائرہ
تلفون : ۳۶۰۷

ہیابہ رانما ہیابہ... ریابہ راہا ہرورہ ہیابہ فانالم!...

- نیچہ -

۱ نجی جلد

آنقرہ ، ۱۷ شباط ، ۱۹۲۷

صافی : ۱۲

شی ، ماضیدہ دینی اعتقاد لرہ ممتاز اولہ رق موجود
اولہ لریدر . دینی حسیات وجدان لرہ قوتلہ حاکم
اولدینی زمانلر اخلاق دو یغولری دہ تزلزلہ اوغرہ .
مایان برولایتہ مالکدی .

فقط دینی اعتقاد لر صارصیلنجہ ، اخلاق
حسلی مسندسز قالدی . ماضی بہ رجوع قابل
اولمادینی ایچون اخلاقہ بو قوتی بخش ایڈہ جک
یکی بر منبع بولونجہ بہ قدر بو بحر ان دوام
ایڈہ جکدر . بوتون غرب ملتلی بو بحر اندن
شکایت ایڈیور . فقط بو یکی منبع بولونمشدر . شمدی بہ
قدر حسی اولان اخلاق ، ارتق «عقلی» اولاجقدر .
لائیک اخلاق ، عقہ استناد ایڈن اخلاقدر .
یکی یتیشن نسلر بو اخلاق اوکرہ نہ جکلدر .

فقط عقلی اخلاق ، اخلاق نظریہ لر بہ
قاریشدر ماملیدر . اختباریہ ، نفعیہ ، فکریہ ، عقلیہ الخ .
بوتون بوچشیدچشید اخلاق نظریہ لرینک حقیقتلہ ،
شانیتلہ علاقہ لر یوقدر . حیاتدن آری اولان ،
بو مجرد اخلاق فلسفہ سی رینہ مشخص برہ اخلاق
علمی ، قائم اولمقدہ در . اجتماعیاتک یاردیمیلہ عرف
تدقیقاتنہ استناد ایڈن بو علم ، بر ملتک مؤسسہ لر ،
وجدان عامہ نک مؤیدہ لر آرقاسندن ، بالفعل
موجود اولان اخلاق قاعدہ لرینی ، اخلاق فکر
حرکتلرینی بولاجق ، بر ملتک «خبر و شر» دیدیکی
شیلری ، اخلاق قیمت حکملرینی میدانہ
چقارہ جقدر . بو صورتلہ شمدی بہ قدر طبیعت
حادثہ لرینی تنور ایڈن علم ، شمدیدن سوکرہ
وجدانہ دہ حاکم اولہ جق واورادہ بوش قالان
یری دولدیراجقدر . طبیعت اشیا سنک ، طبیعت
حادثہ لرینک ناصل آری آری علملری تشکل
ایتدیسی ، استقرا طریقہ اخلاق فکر لرکدہ بر
علمی وجودہ کلہ جکدر .

مکتبلرہ اخلاق تدریس آتمزہ ، اخلاق
تریبہ بہ بزده شمدیدن بو استقامتی ویرملی ز .
نجم الریہ صادرہ

شکلہ یرطوتسی ، یاخود بو کی حادثہ لرک اخلاق
حسرمزنی ماضی بہ نظراً دہا فضلہ رنجیدہ
ایتمسی ، اخلاق دو یغولرینک آزالدیغہ وغیر
اخلاق حرکتلرک جو غالدیغہ علامت اولاماز .
بو خصوصہ دوغرو بر حکم ویرہ بیلمک ایچون ،
قانونک تجزیہ ایتدیکی جرملرک حقیقی مقدارینی
بولق و اخلاق وجدانہ جرملرہ قارشلی موجود
حسایتک ، عکس العمل قابلیتک درجہ سنی
اولچمک و بونی ہم ماضی ایبلہ ، ہم دیگر جمعیتلرہ
مقایسہ ایتک لازمدر . اخلاقندہ سقوط اولان
بر جمعیت ، ایچندہ آز چوق جرم ایشلہ ن
بر جمعیت دکلدر . چونکہ شمدی بہ قدر تاریخندہ
موجود اولمش ہیچ بر جمعیت یوقدر کہ ،
اورادہ دائماً جرم ایشلہ نمش اولماسین . اندیشہ
ایڈیلہ جک اخلاق حال ، دہادوغروسی اخلاق
آنارشیسی ، وجدان عامہ نک جرملرہ قارشلی
حسایتینی وعکس العمل قابلیتینی غائب ایتسیدر .
جزا قانونک بعض خصوصاتدہ شدتلمہ سی ،
افکار عامہ دہ مبالا تملر قلمرہ قارشلی قوتلی بر تقبیح
جریانی حصولہ کلہ سی بونک عکسینی اثبات ایتزمی؟

« اخلاق سزلق » حکمنی ، بویلہ مطلق
وقولای بر شکلہ ویرمہ مکملہ برابر ، اخلاق
تلقیلرندہ بویوک بر تبدل اولدیغنی دہ سویلہ مک
لازمدر . حقوق قاعدہ لرندہ ، اقتصادی مؤسسہ
لرہ ، بدیعی ذوقلرہ درین تحوللرہ شاهد
اولوبورز . بوتون دنیا دہ کی جمعیتلری ادارہ
ایڈن « قیمت » لرک بویلہ آلت اوست اولدینی
بر دورہ اخلاق قیمتلرک اسکی شکللرینی
محافظہ ایتسی بالطبع قابل دکلدر . اخلاق دہ
بر تکامل کچیریور . بو کونکی حال ، بر انتقال
دورہ سیدر . اخلاق دستور عمللر ، شمدی بہ
قدر قوتلرینی دینی حسیاتدن آلیورلردی .
اونلرہ ، غیر قابل تجاوز ، قدسی برماہیت ویرن



یکی اخلاق

کچن کون بر غزتہ ، اخلاق سزلقک جو غالمہ سندن ،
کنجلرہ کی اکلنجہ وسفاهت ابتلا سندن شکایت
ایڈیور دی . بوشکایت زمان زمان تکرر ایڈر .
قونوشدیغکز آدملر عمومی احوال دن بحث ایڈر کن
سوز آراسندہ ، زمانک اخلاق سقوطنی آجی
بر تاثرلہ تعریف ایڈرلر . بو قطعی حکمدہ نہیہ
استناد ایتدکلرینی صورسہ کز ، سزہ صوک
زمانلرہ اورتالغی استیلا ایڈن دانس مراقندن ،
فحشک آرتدیغندن ، قادیئلہ ارکک آراسندہ کی
مناسباتک کیتدکجہ لا ابالی شدیکندن ، صیق صیق
اورتادن غائب اولان کنج قیزلردن ، جنایتلرک
وخرسز لقلرک جو غالمہ سندن ، سوء استعماللردن
بحث ایڈہ جکلدر . بونلر ، فی الواقع ہر کون
غزتہ ستونلرینی دولدیران و دماغدہ شدتلہ
محفوظ قالمق قوتنہ مالک اولان وقعہ لرک خلاصہ سندن
عبارتدر . بر جمعیتک اخلاق سویہ سنہ دائر
حکم ویررکن ، یومی غزتہ شئوننی وثیقہ دیہ
کوسترملرک بر ملتک تاریخننی قورو روایتلر
اوزرینہ یازمغہ بکزرہ .

فردلر ایچون اولدینی کی ملتر ایچون دہ
کندی نفسی حقندہ حکم ویررکن متواضع
و محویتکار داورانق ایی بر مزیتدر . فقط
بدینلکی افترایہ قدر کورتورمک دہ ایی براعتیاد
دکلدر . کندی کندیمزہ افترا ایتیمہ لم . وقوعاتہ
سطحی بر نظر بزلی اکثریا پک یا کاش حکملرہ
سوق ایڈر . شو ویا بو نوع حادثہ لرک غزتہ
صحیفہ لرندہ ، دیگر حوادثہ نسبتلہ مبالغہ لی بر